

SCRIPT OF EVENING GOJRI NEWS BULLETIN 29DEC 2025

1700HRS

ایوننگ گوجری نیوز بولٹن 29 دسمبر 2025

یوہ آکاشوانی جموں ہے نصرت چودھری تے غلام سرور تیں خبر سَنو۔

HEADLINES

- ۱۔ لیفٹیننٹ گورنر منوج سنہا نے 2025 بیچ غا آئی اے افسر غی تربیت حاصل کرن آلاں غے نال گل بات کی۔
- ۲۔ نواں سال غی تقریبات تیں پہلاں صوبہ جموں مانہہ حفاظتی بندوبست تگڑا کردتا گیا ہیں بل لخصوص سیاحتی مقامات ور دیکھ ریکھ رکھی گئی ہے۔
- ۳۔ جموں مانہہ 17 ویں جونئیر رول بال قومی چیمپین سپ اچ شروع ہوئی جس مانہہ ملک بھر تیں 600 کھیڈاری حصو لیں غا۔
- ۴۔ شمالی بھارت غا کئی حصاں مانہہ کئی تھند چھائی وی ہے پروازاں تے ریلان غی اوچائی مانہہ جلل پیدا ہو رہیو ہے اس سلسلہ مانہہ 64 پرواز منسوخ ہوئی ہیں۔
- ۵۔ جموں کشمیر مانہہ کئی مقامات ور ہلکی بارش تے برف باری غا امکان ہیں پلک تیں موسم مانہہ تبدیلی متوقع ہے۔

LG IAS TRAINEES

لیفٹیننٹ گورنر منوج سنہا نے اچ 2025 بیچ غا آئی اے افسر غی تربیت حاصل کرن آلاں تیں ملاقات کی ہے افسر بھارت درشن پروگرام غے تحت سیکھن غا مقصد تیں موسم سرما غا 5 روزہ دورہ ور جموں آیا ہیں یہ افسر اس وقت لال بہادر شاستری نیشنل اکیڈمی آف ایڈمنسٹریشن مسوری مانہہ اپنا تربیت غا پہلا مرحلہ تیں گزر رہیا ہیں ملاقات غے دوران لیفٹیننٹ گورنر نے نظم و نسق تے عوامی خدمات تیں متعلق اپنا خیالات افسراں غے نال سانجہ کیا انہاں نے جموں کشمیر مانہہ مختلف شعباں مانہہ آن آلی مثبت تے بڑی تبدیلیاں ور لوہ کھلی۔ اس پروگرام غے تحت افسر شری ماتا ویشنوی دیوی غا مقدس مند، سلال پن بجلی منصوبہ، بڑی براہمنہ، سیڈکو صنعتی علاقہ بھارت پاکستان سرحد تے جموں شہر غو دورو کریں گا۔

NEW YEAR ARRANGEMENTS

نواں سال منایاں جان غے پیش نظر جموں ڈویژن تے خاص کر سیلانی مقامات جن مانہہ پنتی ٹاپ تے سناسر وغیرہ شامل ہیں ور حفاظتی بندوبست تگڑا کیا گیا ہیں پولیس عہدیداراں نے جانکاری دیتا واں دسیو ہے جے عوامی تحفظ نانہہ یقینی بنان تے امن و قانون غی صورتحال برقرار رکھن غا مقصد سنگ پولیس غا خصوصی دستا تیار کیا گیا ہیں چیک پائینٹ ور اضافی دستا تعینات کیا جان غے نال نال سیلانیان غا سیاحتی مقامات ور آن جان ور نظر رکھن غی خاطر وی دستا تعینات کیا گیا ہیں تانجے کسے نانہہ خوش گوار واقع تیں بچیو جاسکے اس تیں علاوہ ایسا سیلانی مقامات ور نگرانی بندوبست وی ڈاڈا کیا گیا ہیں تانجے نواں سال منایا جان نانہہ پُر امن محفوظ تے بہتر بنان مانہہ کوئے کسر نانہہ چھوڑی جے۔ اس بارے ایس ایس پی رام بن ارو گپتا نے مزید اس طرح کہیو۔

ROLL BALL CHAMPIONSHIP

جموں اج تیں آئینہ سال پہلی جنوری توڑی 17 ویں جونیر رول بال قومی چیمپین شپ غی میزبانی کر رہیو ہے یاہ چیمپین شپ یم اے سٹیڈیم سکیٹنگ رینک جموں مانہ منعقد کی جانی ہے اس تقریب غو افتتاح نائب وزیر اعلیٰ سریندر کمار چودھری نے کیو۔ قریب 26 ریاستاں تے مرکزی زیر انتظام علاقیاں تیں کوئے 6 سو غے قریب کھیڈاری اس چیمپین شپ مانہ شرکت کر رہیا ہیں قومی سطح غی اس چیمپین شپ غی میزبانی سنگ رول بال غی کھیڈ نانہ علاقائی سطح ور فروغ ملن غے نال نال کھیڈ ثقافت مانہ وی بور مضبوطی آن غی توقع ہے اس چیمپین شپ غا انعقاد کاراں غو کہنوبے جے ان کھیڈاں گا انعقاد سنگ جموں نانہ کھیڈاں گا مرکز غا طور ور ابھرغے باندے آن غو پتو چلے۔

2025 THE YEAR OF REFORM

سال 2025 نانہ اس واسطے وی یاد رکھیو جے غو کینوجے اسی سال بھارت نے برا خواب دیکھن ، تیزی نال آگے بدھن تے گہری اصلاحات کرن غو فیصلو کیو وزیر اعظم نریندر مودی غی قیادت مانہ یوہ ایک اہم موڑ ثابت ہوو جد ملک نے پُرانا تے غیر ضروری قوانین نانہ ختم کیو ٹیکس تے ضابطاں غا نظام نانہ آسان بناو صنعت واسطے نوا موقع کھولیا تے حکمرانی نانہ قوم غی کواہشات غے مطابق بناو یوہ وہ سال تھو جد بھارت غی معاشی سوچ مانہ واضع تبدیلی آئی تے توجہ شفافیت بڑا پیمانہ ور ترقی تے عالمی سطح ور آگے بدھن ور توجہ دتی گئی ان اصلاحات غو فائدو گراں گا لوکاں ، فیکرٹریاں تے کمپنیاں کم کرن آلا مزدوراں تے ابھرتا واں شعباں مانہ صاف نظر آئی۔ وزیر اعظم نریندر مودی غی جانب تیں 15 اگست نانہ دتی گئی ضابطہ جاتی اصلاحات گی اپیل تے 21 ویں صدی غا بھارت واسطے قوانین نانہ نوا سرے تیں بنان غی ضرورت ان تمام اصلاحات ور واضع طور ور نظر آویں۔

WORKSHOP SAMBA

سانہ مانہ محکمہ زراعت نے جے کے سی آئی پی تے ایچ اے ڈی پی غے تحت اج ضلع ہیڈ کوارٹر سانہ مانہ ایک روزہ تربیتی ورکشاپ تے بیداری کیمپ غو انعقاد کیو اس ورکشاپ غو افتتاح ایچ اے ڈی پی غا مشن ڈائریکٹر سندپ کمار نے کیو اس موقع ور ترقیاتی کمشنر سانہ آیوشی سودھن وی موجود تھیں تاہم اس طرح اس تربیتی ورکشاپ مانہ کساناں ایف پی اوز تے سیلف ہیلپ گروپ تیں وابستہ کساناں بل لخصوص خواتین کسان نے نوجواناں نانہ زرعی شعبہ در راغب کرن بارے اسٹال لایا آکاشوانی خبراں آلا شعبہ سنگ گل کرتا واں ایچ اے ڈی پی غا مشن ڈائریکٹر سندپ کمار نے کہیو جے نوجواناں نانہ بدھتی ہے روزگاری ور قابو پان واسطے زرعی شعبہ نانہ اپنانو چاہیے اُن غو کہنو تھو تاہم اس طرح ایک اپنی مدد آپ غی رکن سویتا شرما نے اس طرح کہیو۔

DENSE FOG

شمالی بھارت غا کئی علاقان مانہہ شدید تھند چھائی وی ہے جس غی وجہ تیں ہوائی تے ریل خدمات متاچر ہو رئی ہیں دلی ریلوے ڈویزن غے مطابق دلی آن آلی تقریباً 18 ریل ترے گھنٹاں تیں زیادہ تاخیر غو شکار ہوئی ہے موسم غی خرابی نے ہوائی سفر نانہہ وی متاثر کیو ہے دہلی ہوائی اڈہ غے مطابق اج تھند غی وجہ تیں 64 پرواز منسوخ کردتی گئی ہیں اس دوران ہوائی سفر غی وزارت نے مسافراں واسطے ویک ہدایت نامو جاری کیو ہے جس مانہہ مسافراں تیں کہیو گیو ہے کہ وہ انیر لائین غا سرکاری ذرائع تیں تازہ معلومات حاصل کرتا ریں۔ انیر انڈیا، انڈی گو تے سپانس جیٹ سمیت مختلف انیر لائین نے مسافراں نانہہ مشورو دتو ہے کہ ہوائی اڈہ ور جان تیں پہلاں اپنا پرواز غی صورتحال غی جانچ ضرور کری اس تیں علاوہ مسافراں تیں کہیو گیو ہے کہ وہ ہوائی اڈہ ور پُجن تے چیک ان واسطے اضافی وقت رکھیں تے اپنا سفر غی منصوبہ بندی اُسی حساب سنگ کریں۔

WEATHER

جموں غا میدانی علاقان مانہہ اج سویر گھنا کھرا غی وجہ نال گڈیاں نانہہ چلن مانہہ دقت غو سامنو کرنو پئے رہیو تھو کیونجے کھنا کھرا غی وجہ نال سڑک ور دور توڑی نظر نی پے رئی تھی اوں محکمہ موسمیات غی طرفوں اج رات توڑی موسم ابرآلود رہن غی پیشن گوئی کی گئی ہے 30 دسمبر تیں البتہ موسم مانہہ تبدیلی غا آثار ہیں جت کئی مقامات تے خاص کر کشمیر غا اُچا پہاڑی علاقان مانہہ بارش تے برف باری غی توقع کی جارئی ہے تاہم اس طرح صوبہ جموں غا میدانی علاقائی تیں وی گھنی تیں درمیانہ درجہ غی تھند غی اطلاع لبی ہے اس بارے مزید تفصیلات سانجہ کرتا وں محکمہ موسمیات غا افسر نے اس طرح کہیو۔

DLSA UDH

معاشرہ غا کمزور تے پسماندہ طبقاں نانہہ مفت قانونی مدد قانون تیں آگاہی تے انصاف توڑی آسان رسائی فراہم کرن غا مقصد تیں ادھمپور ضلع قانونی خدمات اتھارٹی غے تحت ایک اجلاس منعقد کیو گیو اس اجلاس غی صدارت ضلع جج پردیپ سنگھ بابو نے کی اجلاس مانہہ ضلع مانہہ کم عمر غی بچاں غی شادی نانہہ روکن واسطے ایک منصوبہ تیار کرن ور خاص توجہ دتی گئی اجلاس غے دوران چئیر پرسن نے اس گل ور زور دت و کہ 18 سال تیں کم عمر غی کڑیاں غی شادیاں ور کڑی نگرانی کی جے اس تیں علاوہ کڑیاں غی تعلیم چھوڑن غا مسئلہ نانہہ روکن تے اُن کا حقوق غا بارہ مانہہ آگاہی پھیلاور زور دتو گیو آکاشوانی غا خبراں آلا شعوبہ سنگ گل کرتا وں ڈی ایل ایس اے سیکرٹری ادھمپور سومتی شرما نے اس طرح کہیو۔

JT SEARCH OP

بی ایس ایف غا دستاں نے ایس او جی کول پور تے سائبہ پولیس پوسٹ غے نال مل غے تحصیل تے ضلع سائبہ مانہہ دیوک نالہ غا گہرائی آلا علاقان تے دیوک پُل جنگل علاقہ مانہہ مشترکہ تلاشی مہم چلائی اس مشترکہ مہم غو مقصد حفاظتی بندوبست نانہہ مزید تقویت دینو تے ہم آہنگی نانہہ فروغ دے غے علاقہ گا تسلط نانہہ بدھانو تے سرحدی حفاظت نانہہ مضبوط بنانو تھو۔

HORTICULTURE RAMBAN

باغبانی گا منصوبہ بندی تے مارکیٹنگ محکمہ رام بن نے ضلع رام بن غا راج
گڑھ مانہہ زراعت تے اس نال منسلک شعباں بارے سرکاری اسکیمیں غی آگاہی
بارے ایک بیداری پروگرام انعقاد کروایو اس بیدادی پروگرام غو مقصد کساناں،
آپنی مدد آپ گروپ، بے روز گار نوجوانان مانہہ سرکاری سکیمیں بارے بیدار
کرنو تھو تاہم اس طرح اس پروگرام مانہہ فلیگ شپ اسکیمیں ور توجو مرکوز کی
گئی جس مانہہ ہالسٹک زرعی ترقی پروگرام تے جموں کشمیر سابقتی بہتری
پروجیکٹ شامل ہیں اس موقع ور علاقہ غا مارکیٹنگ افسر رام بن تہسین اقبال
جب نے مزید اس طرح کہیو۔
